

Regd. No. 079272/47/
A11/91
Editor: A.Zotinkhuma
Phone: 9615028785
Address: Treasury
Square, Aizawl.
email: zotin@rediffmail.com

THE ZORAM VOICE

‘Thudik Chu Lei La, Hralh Leh Tawh Suh’ Thufingte 23:23

VOLUME - XIV, ISSUE NO. 11, AIZAWL NITIN CHANCHINBU, JANUARY 16, 2026 ZIRTAWPNI A man thla 1 ah Rs.100/-



Jio Fiber Internet Bookings

Contact: 7005916728/9089394663/9366479021

Bank thu khawm

Nimin khan Mizoram Co-operative Apex Bank Ltd Board of Directors Meeting chu Lalnunsanga, Chairman hovin Board Meeting Room Head Office-ah an \hukhawm a. Meeting hian State Level Banker's Committee-in a rawt angin Bank awm lohna khua Saipum khuaa Branch thar hawn rem tiin, tun Financial Year chhung ngeia hawng tura hmalak nise tih a ni.

Meeting chuan Bank Share lei dil society te hnenah share lei phalna a pe a. Hetih rual hian Mizo Bank a nih angin Share leia \an la zel turin Mizoram chhunga society zawng zawngte a sawm nghal a ni.

Meeting hian Loan dilna hrang hrang 117 pek a remti a, a vaiin cheng nuai 2569 a ni. Heng loan a pek chhuah zingah hian Biak In sakna loan, Society loan leh sorkar Flagship Programme hnuia mi Handholding (Banakaih) loan te a langsar zual niin mimal in sakna loan, Business, Industry leh Agriculture loan te a tel a ni.

Tunah hian Apex Bank hian Deposit cheng vaibelchhia 1787 kawlin Loan cheng vaibelchhia 1259 a pe chhuak mek a. Sum kawla a'anga Loan pek chhuah tehfung (CD Ratio) chu za zelah 70.5 a ni.

LUF Award sem

Lalthara te Unau Foundation (LUF) chuan nimin khan Thilsiam Chhantu Chawimawina hun a wavi li nan an hman. Aijal Club-a hun hmanah hian mi pahni Vanlalhrima, Mission Veng leh Johny Lalhrualtuanga, College Veng te LUF Award hlan an ni a, pawl pahni - UPC NEI General PYD Environment Protection Committee leh Champhai Nature Conservancy te bakah khaw pahni - Sailulak leh Sairep te hnenah Award an hlan baw.

LUF Award hian chawimawina thuziak bakah pawisa fai cheng nuai khat a keng tel a, kum hmasa lam nena belh khawm chuan cheng nuai 22 an sem chhuak tling tawh a ni.

MZP in CM hmu

MZP hruiatu ten nimin khan Chief Minister Lalduhoma chu a pisa-ah hmuin, Thangram cultural meet neih dan tur, Remna Ni leh kumina Zo Fest neih dan tur chungchang leh tul dang te an sawipui.

“Rubber thar chhuahna hmunpuiah Mizoram chantir kan tum”- CM

Aizawl January 16 (Zirtawpni): Soil & Water Conservation Department chuan nimin khan Mizoram Chief Minister's Rubber Missions hnuia rubber chingtute tan Rubber chin dan, a seng dan leh a seng hnua a sawngbawl zui dan leh a kung enkawl dan zirna Vanapa Hall-ah a buatsaih a. Hawna inkhawm telpuitu Chief Minister Lalduhoma chuan Mizoram chu rubber thar chhuahna hmunpuia chantir tum a nih thu a sawi.



Rubber enkawl dan lehkhawb a tlangzarh zawhah thu sawiin Chief Minister chuan, “UT kan

nih ata kum sawmnga kan pel tawh a, lo neia eizawng kan tam chungin eng thlai mah hi ka hmingthanpui

ngai lo. A thlan tla nasa, a kut durh nasa te hi kan rethei em em \hin. Mipui sorkar kan han ding a, kan

Policy te kan han tipuitling chho va, hun rei loteah Ginger Capital of India-ah min puang ta a ni.

“Sapthei pawh hi kan larpui theih, kan rama thlai \ha duh tak a ni. Kan hmingthanpui theih thlai \ha ber pakhat chu rubber hi a ni a. Kan ram hi Rubber thar chhuahna hmunpuia chantir tumin Chief Minister Rubber Missions kan duang chhuak ta a ni. He missions hi mawlmang takin kal kalpui lo va, Rubber Board of India te nena uluk taka kan sawi ho hnu leh Tripura Rubber Missions kan zirchian hnua kan kalpui a ni,” a ti.


Chief Minister chuan a tira an ruahman aia nasain hma an la niin a sawi a. A chhan pawh rubber

(Phek hnungah zawmna)

Lirngching na tak thlen thula chhanchhuahna hna thawh dan tur entir

Lirngching na tak thlen thulha chhanchhuah leh chhawmdawl hna kalpui dan tur, a taka enchhinna 'State Level Mock Exercise on Earthquake' chu National Disaster Management Authority leh Disaster Management & Rehabilitation Department bul tumin Mizoram district tinah kalpui a ni.

Lirngching avangin Mizoram district hrang hranga hmun 36-ah in chim, kangmei chhuak leh chhianta hrang hrang thlen theih dan lem chan a ni a. Heng hmunahte hian District Emergency Operation Centre te, Incident Site Commander te, Staging Area Management leh Relief Camp-a hmalakna



te chu Video Conference kaltlangin vilpui a ni.

NDMA Sr. Consultant Brig. (Retd) Ravinder Gurung an State Emergency Operation Centre a'angin heng chetlaknate hi thlirpuiin PC Lallawmsanga, IPS (Retd.), DM&R Principal Secretary hlui

leh Dominic Lalhma-ngaiha, DM&R Director hlui te chuan State Observer angin an telpui baw a ni.

State Level Mock Exercise on Earthquake hi chawhma dar 10 a'ang khan tihchhinna hi kalpui \an a ni a. District tina

Quick Response Force te, Fire & Emergency services te, National Disaster Response Force, State Disaster Response Force, Assam leh Tripura a'angin Central Industrial Security Force (CISF), Assam Rifles, Border Security Force (BSF),

(Phek hnungah zawmna)

SW Minister-in Ruang Phurh Online Portal a hawng



Sorkarin ruang phurhna tura ruahman chu awlsam zawka a mamawh ten an chhawr tangkai theih nan internet kaltlanga dawrna tur Ruang Phurh Online Portal nimin khan Social Welfare Minister Lalrinpuiin a hawng.

Lalrinpui chuan ruang phurhna tura ruahman siam hi sorkarna an siam hma pawha an lo ngaihpawimawh tawh manifesto-a an neih tihhlawhtlinna a ni tih sawiin, ruang phurh scheme tuang taka hmasawn zawnga kalpui theih a ni ta chu

lawmawm a ti a, MSeGS te nen \ha taka an thawh ho avanga lawmthu sawiin, portal hi hman tangkai turin mi zawng zawng a sawm a, tihchangtlun zel a nih tur thu a sawi baw.

Ruang phurh online portal hi google play leh app

store a'anga download theih niin, waviin ni thlenga ruang phurhna application lut tawh zat hi 1680 a ni a, ` 1,75,85,000 pek chhuah tawh a ni.

Social Welfare department hotute atanga thu dawn danin, ruang phurhna senso sorkarin a tumsakna hi kum 2024 September thla khan hawn a ni a, hemi kum vek December thla a'angin ruang phurh man hi pek \an a ni.

Mizoram sorkar chuan ruang phurhna senso tur hi kum 2024-25 leh 2025-26 atan budget-ah cheng nuai 500 ve ve a dah a, ruang

(Phek hnungah zawmna)

Cricket Tournament khar

Nimin khan 3rd Battalion MAP Ground Mualpuiah Grassroot Cricket School Tournament kharna hun hman a ni a, School Education Minister Dr. Vanlalhlana'n khuallian niin he hun hi a hmanpui.

School Education Minister chuan zirilaite chu tumruhna nen an hma lam khawvel hmachhawn tur te, harsatna karah pawh tlawm mai lova hlawhtlinna thawk chhuak thei turin a chah. India ram cricket-a an lan chuan khawvel huapah an lang nghal tih a hrihl a, Cricket Association of Mizoram te nen kum 5 chhung thawh hona neih a nih chhungin thil \ha tam tak an hmuh thu a sawi. Zirilaite chu cricket khelh bansan mai lo va, a bul'hut thiamna nei tura chhunzawm zel tur te, zirna pangngai thlahthlam lova ngaipawimawh zel turin a chah baw.

He tournament-ah hian Girls-ah Govt Nepali Middle School an champion a, Govt Bethlehem Middle school chu runner up an ni. Boys-ah Govt Midland Comprehensive School Serchhip an champion a, Govt Chhinga veng Middle school chu runner up an ni.

Mimal khel \hate hnenah lawmman pek an ni baw a. Girls-ah Best Bowler Urmila Begum Govt Nepali Middle School Khatla, Best Batter-ah Lalnunmawii Govt Nepali Middle School Khatla, Player of the tournament-ah Lalnunmawii Govt Nepali Middle School Khatla thlan a ni baw.

Boys-ah Best Bowler atan Ngurthantluanga Govt Chhinga Veng Middle School, Best Batter-ah Rodingheta Govt Chhinga Veng Middle School, Player of the tournament-ah Mangliana Govt Midland Comprehensive School te thlan an ni baw.

CSPOC-ah Speaker tel

28th Conference of Speakers and Presiding Officers of the Commonwealth (CSPOC) chu nimin khan Central Hall, Samvidhan Sadan, Parliament House Complex, New Delhi-ah India Prime Minister Narendra Modi-an a hawng. Conference hi Om Birla, Speaker of Lok Sabha kaihhraina hnuia hman a ni. Conference-ah hian Mizoram Speaker Lalbiakzama leh Deputy Speaker Lalfamkima bakah Lalthangmawia, Addl. Secretary te Mizoram Legislative Assembly aiawhin an tel a ni.

Conference of Speakers and Presiding Officers of Commonwealth (CSPOC) hi kum 1969-ah a vawikhatna atan neih \an niin, tun \um hi a wavi 28-na niin, India in \um li (4) a thlenna a ni. He conference hman tur hian Commonwealth ram hrang hrang 53 a'angin palai \hahnen tak an a kal khawm a, Conference chhung hian thupui 5 sawi ho tur a ni a, Chungte chu - 1) Artificial Intelligence in Parliament: Balancing innovation, Oversight and Adaptation. 2) Social media and its impact on Parliamentarians. 3) Innovative strategies to enhance public undersanding of Parliament and citizen's participation beyond voting. 4) Security, Health and wellbeing of Members of Parliament and parliamentary staff. 5) The Role of Speakers and Presiding Officers in shaping People's Parliament, fostering effective and meaningful democracy and strengthening public faith in democratic institutions.

IMD din champha hman

Meteorological Centre, Aizawl chuan nimin khan India Meteorological Department (IMD) din champha wavi 151-na pualin Berawtlang, Aizawlah hun an hman a, IMD pawimawhna hrang hrang leh a hnathawh tarlanna atan hun hman a ni.

Nimina hun hman hi Director General of Meteorology, Dr. Mrityunjay Mohapatra leh Deputy Director General Dr. Sanjay O'Neill Shaw ten an telpui a, Meteorological Centre, Aizawl Director Sudheer Kumar Dwivedi chuan khua leh tui tana IMD hnathawh hrang hrang tarlangin an hmalakna tura hmachhawp hrang hrang a sawi a, an hnathawh kawngah sorkar thlawpna an hmu \ha tih sawiin Mizoram khua leh tui te nena an thawh hona chu chhuanawm a tih thu a sawi.

Nimina hun hmanah hian Ferrando English Medium School zirilai naupangte chu zirirna hrang hrang pek an ni a, hun hlawk thlak tak hman a ni.

Sports News

UFC tihropui leh ka duh : Conor McGregor

Conor McGregor chuan UFC huanga luh leh a duh thu a sawi chhuak a, octagon chhunga inlan leh a chak thu a puangzar.

Irish fighter hi July 2021 ah khan Dustin Poirier nen an insual a, khatah kha a ke ruh a tliak a, he mi atang hi chuan octagon chhungah a inlan zui leh ta miah lo a. Tun hnaiah octagon chhunga kir leh chungchang hi a sawi chhuak a, X velah pawh a tarlang baw k a ni.

McGregor chuan X lamah, “UFC tihropui leh ka duh a, chutiang tih leh theih chu ka duh ber a ni,” a ti.

June 14 ah khian UFC White House nei turin ruahmanna an siam a, Ultimate Fighting Championship ho buatsaih tur niin, White House tual chhung chhim lampanga neih tur a ni dawn a. Hetah hian McGregor pawh hi tel tura sawi rik a ni a, Irish fighter hian tunah pawh ngawrh takin training a nei mek niin an sawi.

Octagon chhungah a kir leh dawn a nih pawhin McGregor hian eng eng emaw a pal tlang phawt a ngai dawn a, damdawi hman phal loh a hman leh hman loh thlenga en fiah a ni ang.

Nikum September thlaah khan dan a bawhchhiat avangin hrem a la ni mek a, UFC CEO Dana White chuan engmah a la sawi chhuak duh lo a, thu chiang tak hriat theih a la ni lo.

Hetiang boruak karah hian Conor chuan boxing ring chhunga a hneh loh Floyd Mayweather chu hmachhawn leh a duh thu a sawi baw k a. Kum 10 dawn kal taah boxing-ah a hneh lo a, an inhmachhawn leh dawn a nih chuan McGregor hian a thiam thil a lantir ve theihna hmun, octagon chhungah ngei ni tawh se a duh thu a sawi chhuak.

Mayweather hian professional boxing khel h a chawlh san tawh a, chu mi hnuah chuan exhibition velah eraw h a la inlan zeuh zeuh a, Logan Paul leh John Gotti III te chu a hneh a. MMA lama inhman chu a duh a rinawm hran lo hle a, McGregor-a duhtusam hi a thlen a rinawm vak lo.

Michael Chandler leh Conor McGregor te chu octagon chhunga inhmachhawn thei tura rin kai an la ni reng a. The Ultimate Fighter 31 coach an nih khan insual tura ruahmanna siam a nia. 2024 a insual tura tih an nih laiin McGregor a inhliam avangin an thulh phah a, Chandler chuan tihpuitlin a la duh reng a ni.

AFCON final-ah Senegal leh Morocco

CAF Africa Cup of Nations semi final an khel zo a, a thlengtu Morocco leh Senegal te chuan an khelhpuite an hneh ve ve a, anni ram pahnih hi final-ah an intum dawn.

Morocco chuan semi final an khelhah Nigeria chu penalty ah 4-2 in an hneh a, final an lut a. Semi final lehlamah Senegal chuan Egypt chu 1-0 a hnehin final hi an lut ve baw k a ni.

Prince Moulay Abdellah Stadium chhunga inkhelah Morocco chuan an khelhpui hmachhawn hautak zet mai Nigeria chu defensive game hmangin an dang ngar ngar a, minute 120 chhung chu an dang chat thei a. Hun pangngaiah ram pahnih te hian goal thun theihna hun tha nei ve thin mah se goal an thun thei lo ve ve.

Penalty hmanga chak zaw k zawn a ni a, Morocco chuan vawi 4 an thun laiin Nigeria chuan vawi 2 चाह an thun ve thei a, hei vang hian a thlengtu ram chu 4-2 in an chak theih phah a. 1976 a anmahni rama AFCON trophy an lak bak an la chhunzawm leh loh avangin Morocco chu an lawm hle.

Stade de Tangier lama inkhelah 2021 champion Senegal chuan tawn hriat nei tha, vawi 7 ngawt lo champion tawh Egypt an hneh thei hlauh a. Dawhthei takin an khingpuite chu an hmachhawn a, a tawpah an che fuh ta zaw k a ni.

He inkhelah hian Sadio Mane chuan goal awm chhun a thun a, Mohamed Salah te ram zin kawng a titawp ta a ni.

Pathianniah hian final hi an khel dawn a, Senegal hian 2021 hnua a vawi khat nan champion leh ngei an tum dawn a, Morocco pawhin 1976 a an lak tawh trophy lak leh theih hi an tum baw k ang.

Rabat khawpuia Prince Moulay Abdellah Stadium ah final hi an khel dawn a. Inrinniah Egypt leh Nigeria te chuan Casablanca khuaa Mohammed V Stadium ah pathumna nih an inchuh dawn baw k a ni.

Achraf Hakimi leh Bollywood star an sawi zawm

Paris Saint-Germain leh Morocco right-back Achraf Hakimi chu Bollywood actress Nora Fatehi nen an sawi zawm.

Nora Fatehi hi Morocco ramah zinin AFCON 2025 inkhel en tura kal niin an sawi a. Hetianga football tournament lian en tura a kal chhan hi a bialpa thar, a nihna an la puanzar that duh loh inkhel lai en tur niin an sawi baw k a. A mipa hming hi la sawi chhuak lo mah se Achraf Hakimi ni ngeiin thu a thang nasa hle.

Morocco rama Nora kal hi mi reng rengin mak an ti zel a, footballer pakhat nen an inkawp nia an sawi ruk chu a dik a nih tih a lang chiang tiin an sawi phah hial a. An inkawp nia an rinhlelh hnuah thil chik mite chuan Nora Fathei Instagram account an en chiang a, a thil dah vel pawh Hakimi hian a like a ni tih an sawi a, hei vang hian an rinhlelh zual phah a ni.

Achraf Hakimi leh Nora Fatehi te hi Morocco thisen kai ve ve niin, Hakimi hi khawvela foootballer tha berte zinga sawi tel a nih laiin Fatehi hi chu rimawi avanga khawvel hmun hrang hranga hriat hlaw h a ni thung.

AFCON boruak len laiin Nora hi an ram an chak laiin a tawngtai a, hei hi video in an la a, a darh nasa hle a. He video hi Nora chuan Instagram lamah a dah chhuak a, hei hi Achraf chuan a like ve ngei baw k a, hei vang hian thu thang a tam belh phah a ni.

Nora hi lemchan, lam leh zai lamah a inhmang nasa a, heng thil pathum vang hian a indaih lo ve thei hle a. Nikumah khan The Jimmy Fallon Show ah pawh a inlan a, hetah hian a single What Do I Know tih pawh a sa nghe nghe a. Tthlahrang film Kanchana 4 ah Nora hi a chang ve dawn baw k a ni.

Joint Editor	: B Vanlalnghaka
News Editor	: Lalnuntluanga Tlomte
Email	: zotin@rediffmail.com Phone: 9615028785

“Rubber thar chhuahna hmunpuiah Mizoram chantir kan tum” - CM

(Phek hmaa mi zawm)

ching duh an tam vang a ni a, thil lawmawm lam a ni. In hlawhtlin ngei theih nan sorkar chuan a tih turte a ti zel dawn a, a chingtute pawhin theih tawp an chhuah an beisei tih kalkhawmte hi a hrilh.

Lalduhoma chuan, “Ti ve mai mai tan hlawh -chham theih a ni a, rubber

sawiin, sorkar chuan tumah thlei bik nei lovin hma ala a. Kan Chief Minister hi kut hnathawkte hmasaw nna vei em emtu, amah ngei pawh huan siama hnathaw k \hin a ni a. Hei hi kut hnathawktu ten kawng hrang hrangin an chhaw r chho mek a ni, a ti.

He training-ah

hian Rubber Board of India leh Servo Lubricants (IOCL) a\anga mi thiam lo kal ten Rubber chingtu mi 550 te hnenah Rubber chin dan leh enkawl zui dan te, Rubber hnai dan te, Rubber hnai sawngbawl dan te bakah Rubber kung ti-chhetu rannung laka ven dan te zirtirna an pe a ni.

Lirnghing na tak thlen thula chhanchhuahna hna thawh dan tur entir

(Phek hmaa mi zawm)

Medical team, tlawmngai pawl leh volunteer te mawhphurhna a taka an kalpui dan enchhin a ni a. Lirnghing vanga In chim, kangmei chhuak, kawng

ping, inbiakpawhna chhia thleng thei kara chhanchhuah leh chhawmdawl hna awmze nei taka kalpui dan tihchhinnaah hian Line Department hrang hrang PHE, PWD, P&E, Trans-

SW Minister-in Ruang Phurh Online Portal a hawng

(Phek hmaa mi zawm)

phurh inkaihhruaina in a tarlan danin, ruang phurh tur chu a thlenna tur km. 20 aia hnai a ni tur a ni lo a, km. 20 piah lamah chuan tu tan pawh hman theih

niin, lirthei thlen theih chin a huam a ni.

Inkaihhruaina ang chuan, ruang phurhna lirthei hman man chu State Transport Authority-in rate a siam anga kalpui

Village Adoption and Seminar programme hmang

Research Society for the Study of Diabetes in India (RSSDI), Diabetes Research Welfare Association (DRWA), American College of Physicians (ACP) – India Chapter, United Global Council for Cardiometabolic Diabetes leh Associations of Physi-

cians of India – Mizoram State Chapter tangkawp chuan Village Adoption programme tur Lengpui, Mizoram chu naktuk January ni 16, 2026 (Zirtawpn) tlai dar 4-ah Lengpui Village council hall-ah haw nna an nei dawn a. He viallge adoption hi kum 3 chhung

India President-in At Home-a tel turin Mizo nu a sawm

Mizo hnam hla leh Pipu zaite a sak vang hriat hlawh, KCRunremsangi chuan kumin Republic Day lawmnaa India President chenna Rashtrapati Bhavan, New Delhi-ah ‘At Home’ reception

neihna turah tel tura sawmna a dawng.

India Post kalltlangin Rashtrapati Bhavan a\angin a bik taka chei leh buatsaih sawmnaah hian hmarchhak biala chengte, pi leh pute

Business News

Bajaj General Insurance Fetal Flourish Rider

Aizawl: India rama mimal sum zakhamna lam buaipuitu lar ber pawl Bajaj General Insurance Limited (Bajaj Allianz General Insurance Company Limited tia hriat thin) chuan nimin khan nausen, nu pum chhunga a awm laia hriselna atana siam, insurance rider hma-hruaitu ‘Fetal Flourish’ chu a tlangzarh.

He harsatna sukiangtu danglam tak hian naupai lai leh nau neih hnua nu leh naute an lo hrisel zaw k theih nana sum leh pai tanpuina

changkaw tak a pe thei a, hei hi hun rei tak chhung chu nu, naupai lai emaw nau neih hnua hamthatna an dawn thin a huam tel loh thin te an ni. He hamthatna hi an hamthatna siam chhuah hmahruaitu,“My Health Care Plan” leh “Health Guard” te nen an pe chhuak a ni.

Nu pum chhunga naute insiam hian nau neih hmaa enkawl na lama mamawh pawimawh tak ngaihtuah turin damdawi lam thiamna leh chhiat

atanga an thil rochun, hlu leh mawi tak takte tarlana dah tel a ni a, India President Droupadi Murmu sawmna hi Aizawl Head Post Office thawktu ten KC Runremsangi hnenah

tawh thulha lukhawng nei tura zakhamna neih dan tura ruahmanna a rawn keng tel a ni. Nau neih hma emaw, neih lai leh neih hnua sum zakhamna hian nau neih leh nau neih hnua enkawl na lam a ngaih pawimawh ber laiin, ham thatna dang dawng thei tura sum zakhamna dangin a ngaihpawimawh ber chu nu pum chhunga naute a awm lai, hun pawimawh lai bera naute lo piang tur ven him hi a ni.

A tlangzarh chungchang sawiin Dr. Tapan Singhel,

National & International News:

Iran tlawh lo turin hriattir

Iran ram chhung buaina a zual zel avangin India chuan a mite Iran tlawh lo turin a hriattir. Union Ministry of External Affairs chuan thu chhuah siamin Iran thil thleng mek thlirin India mite chu thu leh awm hma chu Iran-a zin lo turin a ngen a. India mi Irana khawsa mekte pawh fimkhur tur leh

lungawi lohna lantirna hmunte tlawh lo turin a chah a ni.

Iran-ah hian sorkar laka lungawi lohna boruak a sosang zel a, venhimna dinhmun pawh a derthawng tawh hle nia thu dawn a ni a. Hei vang hian sorkar chuan zirlai, sakhaw biakzina kal, sumdawng, khualzin leh In-

dia mi reng reng Iran-a la cham te chu a remchan dana chhuahsan vek tura thurawn pek an ni a. Nimin piah khan Iran Foreign Minister Aeyed Abbas Araghchi chuan External Affairs Minister Dr. S.Jaishankar chu phone-in a rawn bia a. Pu Jaishankar-a sawi danin hrulaitu pahnihte hian Iran